

四庫全書

史部

欽定四庫全書

水經注集釋訂訛卷三十二

歸安沈炳巽撰

· 滲水

蘄水

決水

泚水

泄水

肥水

施水

沮水

漳水

夏水

羌水

涪水

潼水

涔水

滲水出江夏平春縣西

明一統志滲水源出江夏廢平春縣南過安陸入于涓

涿水北出大義山南至厲鄉西賜水入焉水源東出

大紫山分為二水一水西逕厲鄉南水南有重山即

烈山也

烈山明一統志作厲山在德安府隨州城北一百八十里禮祭法云厲山氏之有天下也

其子曰農能植百穀注云厲山氏炎帝也起于厲山漢志南陽郡隨故厲國也皇甫謐云今隨之厲鄉荆州記云山有二穴云是神農氏生處山下有一穴父

遂即于其地為神農社常年祀之

老相傳云是神農所生處也故禮謂之烈山氏水北有九井子書所謂神農既誕九井自穿謂斯水也又言汲一井則衆水動井今堙塞遺迹髣髴存焉亦云

鄉故賴國也有神農社賜水西南流入于涿即厲水也賜厲聲相近宜為厲水矣一水出義鄉西南入隋又注涿涿水又南逕隋縣注安陸也

南過安陸入于涿

蘄水出江夏蘄春縣

今為湖廣黃州府蘄水縣北山

山即近宋本作蘄柳也水首受希水枝津西南流歷蘄山

出蠻中故以此蠻為五水蠻水即謂巴水也又赤亭水西歸水蠻左馮居岨藉山川世為抄暴宋世沈慶

之于西陽上下誅伐蠻夷即五水蠻也

按宋書蠻夷傳西陽有巴

水蘄水希水赤亭水西歸水謂之五水蠻所在並深  
沮種落熾盛歷世為盜賊北接淮汝南極江漢地方  
數千里云云即此注所引今蠻左  
馮居以下似有訛脫故句難讀耳

南過其縣西

晉改為蘄陽縣縣從江州置大陽戍後齊安郡移治  
于此也

又南至蘄口南入于江

蘄水南對蘄陽洲入于大江謂蘄口洲上有蘄陽縣

徒

疑訛或有脫文

決水出廬江雩婁縣

廢雩婁縣在今鳳陽府霍丘縣西南八十里

南大別山

在霍丘縣西南八十里接河南固始縣界此另是一大別山非漢陽之大別山也

俗名之為檀山峴蓋大別之異名也其水歷山委注

而絡其縣也

北過其縣東

縣故吳也春秋左傳襄公二十年

按左傳是襄公二十六年今云二十

年誤楚子秦人侵吳及雩婁聞吳有備而還是也晉書

地道記云在安豐縣之西南即其界也故地理志曰

決水出雩婁

又北過安豐縣東

今鳳陽府霍丘縣是其故地廢縣在壽州南六十里漢屬六安國今為安

鄉豐

決水自雩婁縣北逕鷄備亭春秋昭公二十三年吳

敗諸侯之師于雞父者也

杜預注曰雞父楚地安豐縣南有雞備亭

安豐

縣故城今邊城郡治也王莽之美豐也

漢志作美豐原本作美風

世祖建武八年封大將軍涼州牧竇融為侯國晉立

安豐郡決水自縣西北流逕蓼縣故城東

在今壽州南安豐鄉

又逕其北漢高帝六年封為孔侯國也

也字疑衍按漢書功臣表

封孔藋為蓼侯則此脫藋字亦當作封孔藋為侯國

世謂之決水也決水又西

北灌水注之其水導源廬江金蘭縣西北東陵鄉太

蘇山即灌水也許慎曰出雩婁縣俗謂之澮水也褚

先生所謂神龜出于江灌之間嘉休之中蓋謂此水

也

按史記龜策傳作江淮之間

灌水東北逕蓼縣故城西而北注

決水也故地理志曰決水北至蓼入灌

漢志作入淮

灌水



于蓼亦入決春秋宣公八年冬楚公子滅舒蓼臧文仲聞之曰臯陶庭堅不祀忽諸德之不逮民之無援

哀哉

按左傳文公五年冬楚公子變滅蓼臧文仲聞之有臯陶庭堅不祀之嘆又宣公八年夏楚人

滅舒蓼自是兩事今混為一事似誤決水又北右會陽泉水水受決水

東北流逕陽泉縣故城東故陽泉鄉也漢靈帝中封

太尉黃琬為侯國又西北流左入決水謂之陽泉口也

又北入于淮

俗謂之決口非也斯決灌之口矣余往因公至于淮

津舟車所屆次于決水訪其民宰與古名全違脉水

尋經方知決水

宋本  
作口

蓋灌澮聲相倫習俗害真耳

泚水

原作泚今從胡氏  
引漢志俱改作泚

出廬江瀟縣

故城在今廬  
江縣南二里

西南

霍山東北

爾雅云大山官小山曰  
霍郭注云官謂圍繞之

瀟者山水名也開山圖瀟

當作小

山圍繞大山為霍山

郭景純曰瀟水出焉縣即其稱矣春秋昭公二十七

年吳因楚喪圍瀟是也地理志曰泚水出泚山不言

霍山泚字或作泚泚水又東北逕博安縣泄水出焉

明一統志泚河在六安州西一名白沙河本泚水出霍山北迤邐流從安豐界入于淮

東北過六縣東

今為廬州府六安州

泚水東北右會躡鼓川水水出東南躡川西北流左

注泚水泚水又西北逕馬亭城西又西北逕六安縣

故城西

廢六安縣在今州治東今即其趾為州治

縣故咎陶國也夏禹封

其少子奉其祀今縣都陂中有大冢民傳曰公琴者

即臯陶冢也楚人謂冢為琴矣漢高帝元年別為衡

山國五年屬淮南文帝十六年復為衡山國武帝元狩二年別為六安國王莽之安風也漢書所謂以舒屠六晉太康三年廬江郡治淠水又西北分為二水出焉又北逕五門亭西西北流逕安豐縣故城西晉書地道記安豐郡之屬縣也俗名之曰安城矣又北會濡水亂流西北注之

北入于淮

水之決會謂之泚口也

泄水出博安縣

博安縣地理志之博鄉縣也王莽以為揚陸矣

通鑑作都

陸胡三省注引水經注作揚陸云意者都陸即揚陸歟

泄水自縣上承泚水于

麻步川西北歷山

疑訛

濡溪謂之濡水也

北過芍陂西與泚水合

泄水自濡溪口安豐縣北流注于淠一謂之荷濡口

西北入于淮

亂流同國也

國宋本作歸

肥水出九江成德縣廣陽鄉西

呂忱字林曰肥水出良餘山俗謂之連枷山亦或以

為獨山也北流分為二水施水出焉肥水又北逕獲

城東又北逕荻江東又宋本作右會施水枝津首受施水

于合肥縣今廬州府治城東西流逕成德縣注于肥水也

肥水別北過其縣西北入芍陂

肥水自荻丘北逕成德縣故城西王莽更之曰平阿

也又北逕芍陂東又北逕死馬塘東芍陂瀆上承井

門與芍陂更相通注故經言入芍陂矣肥水東北又

合閘潤水

宋本作肥水又北右合閘潤縣

上承施水于合肥縣北流

逕復道縣西水積為陽湖陽湖水自塘西北逕死雩

亭南夾橫塘西注宋大始初豫州司馬劉順帥衆八

千據其城地以拒劉劭杜叔寶以精兵五千送糧死

雩劉劭破之此塘

宋書殷琰傳晉安王子勳反以琰為建武將軍豫州刺史長史龐道

隆司馬劉順參軍杜叔寶等泣勸琰同逆琰素無部曲門義不過數人無以自立受制于叔寶等太宗遣

輔國將軍劉劭討順等率馬步八千人東據宛唐去壽陽三百里劭率衆軍並進去順數里立營會順

糧盡報叔寶送糧叔寶乃發車千五百乘載米餉順  
自以五千精兵防送之勛用軍副呂安國計遣精兵  
間路出順後于橫塘抄之力戰大破之伏尸徧野叔  
寶去米車奔走安國復夜燒米車驅牛二千頭而還

水分為澗二洛澗出焉澗漿水注之水受芍陂陂水

上承澗水于五門亭南別為斷神水又東北流逕五

門亭東亭為衆

朱本作衆  
宋本作二

水之會也斷神水又東北

逕神迹亭東又北謂之豪水雖廣異名事實一水又

東北逕白芍亭東積而為湖謂之芍陂陂周一百二

十許里在壽春縣南八十里言楚相孫叔敖所造魏



太尉王陵與吳將張休交戰于芍陂即此處也

王陵當作

王凌魏志王凌傳正始初為征東將軍假節都督揚州諸軍事二年吳大將全琮數萬眾寇芍陂凌率諸軍逆討與賊爭塘力戰連日賊退走進封南鄉侯是時凌尚未拜太尉及司馬宣王誅曹爽始進凌為太尉假節鉞則所云陂有五門吐納川流西北為香門魏太尉王陵皆誤

陂水北逕孫叔敖祠下謂之芍陂瀆又北分為二水

一水東注黎漿漿水東逕黎漿亭南文欽之叛吳軍

北入諸葛緒拒之於黎漿即此水也

魏志諸葛誕傳誕以王凌母丘

儉等累見夷滅懼不自安甘露二年徵為司空遂舉兵反遣長史吳綱將少子覲至吳請救吳人大喜遣

將全懌等率衆三萬密與文欽俱來應誕吳將朱異再以大衆來迎誕等渡黎漿水云云今云諸葛緒拒之于黎漿所未詳也疑當作諸葛誕之叛吳軍北入進屯黎漿水也

東注肥水謂之黎

漿水口

又北過壽春縣東

肥水自黎漿北逕壽春縣故城東為長瀨津津側有謝堂北亭迎送所薄水陸舟車是焉萃止又西北左合東溪溪水引瀆北山西南流逕道公寺西寺側因

溪建刹五層屋宇閑敞崇虛携覺

疑說當作

嶠也又西南

流注于肥肥水又西逕東臺下臺即壽春外郭東北隅阿之榭也東側有一湖三春九夏紅荷覆水引瀆城隍水積成潭謂之東臺湖亦肥南播也肥水西逕壽春縣城北右合北溪水導北山泉源下注漱石顏隍水上長林挿天高柯負日出于山林精舍右山淵寺左道俗嬉遊多萃其下內外引汲泉同七淨溪水沁注西南逕陸道士解疑是解南精廬臨側川溪大不為廣小足閑居亦勝境也溪水流注于肥水

北入于淮

肥水又西分為二水右即肥之故瀆過為船官湖以

置舟艦也肥水左瀆又西西下疑有選字石橋門北亦曰草

市門外有石梁渡此洲宋本作北洲洲上有西昌寺寺三

面阻水佛堂設三像真容妙相相服精燁項本作偉是蕭

武帝所立也寺西即船官坊倉光都水朱曰史記齊世家云蒼兕

蒼兕搃爾舟楫王充論衡作蒼光云是水中獸也是營是作湖北對八公山

山無樹木唯童阜耳山上有淮南王劉安廟劉安是

漢高帝之孫厲王長子也折當作折節下士篤好儒學

養方術之徒數十人皆為俊異焉多神仙秘法鴻寶之道忽有八公皆鬚眉皓素詣門希見門者曰吾王好長生今先生無住衰之術未敢相聞八公咸變成童王甚敬之八士並能鍊金化丹出入無間乃與安登山埋金于地白日昇天餘藥在器雞犬舐之者俱得上昇其所昇之處踐石皆陷人馬跡存焉故山即以八公為目余登其上人馬之跡無聞矣唯廟像存

馬廟中圖安及八士像皆坐床帳如平生被服纖麗  
咸羽扇裙帔中壺枕物一如常居廟前有碑齊永明  
十年所建也山有隱室石井即崔琰所謂余下壽春  
登北嶺淮南之道室八公石井在焉亦云左吳與王  
春傳生等尋安同詣玄洲還為著記號曰八公記都  
不列其雞犬昇空之事矣按漢書安反伏誅葛洪明  
其得道事備抱朴子及神仙傳肥水又左納芍陂瀆  
瀆水自黎漿分水引瀆壽春北逕芍陂門右北入城

昔鉅鹿時苗為縣長是其留犢處也

魏畧云時苗為壽春令始至乘

兩黃特後歲餘牛生犢及去任留特與主簿曰是淮土所生也

瀆東有東都街街之

左道北有宋司空劉劬廟宋元徽二年建于東鄉孝

義里廟前有碑時年碑功方創齊永明元年方立沈

約宋書言太始元年豫州刺史殷琰反明帝假劬輔

國將軍討之琰降不犯秋毫百姓來蘇生為立碑文

過其實建元四年故吏顏幼明為其廟銘故佐龐堤

為廟讚夏侯敬友為廟頌並附刊于碑側瀆水又北

逕相國城東劉武帝伐長安所築也堂宇廳館仍故  
以相國為名又北出城注肥水又西逕金城北又西  
左合羊頭溪水水受芍陂西北厯羊頭溪謂之羊頭  
澗水北逕熨熨下疑  
有斗字湖左會烽水瀆瀆受淮于烽村  
南下注羊頭溪側逕壽春城西又北厯象門自沙門  
北出金城西門道遙樓下北注肥瀆肥水北注舊瀆  
之橫塘為元康南路馳道左通船官坊也肥水逕元  
康城西北流水北出際有曲水堂亦嬉遊所集也又



西北流昔在晉世謝元北禦苻堅祈疑是八公山及

於

置陣于肥水之濱堅望山上草木咸為人狀此即故

戰敗處非八公之靈有助蓋苻氏將亡之惑也肥水

又西北注于淮是曰肥治疑當作口也

施水亦從廣陽鄉東南入于湖

施水受肥于廣陽鄉東南流逕合肥縣應劭曰夏水

出城父東南至此與肥合故曰合肥

按漢志九江郡合肥下應劭云

夏水出父城東南至此與淮合故曰合肥闕駟亦言出沛國城父東至此

合為肥余案川亡派別無沿注之理方知應闡二說

非實證也蓋夏水暴長施合于肥故曰合肥也非謂

夏水自城父

何氏云下有脫文

東逕合肥縣城南居四水中

東又有逍遙津水上舊有梁孫權之攻合肥也張遼

敗之於津北橋不撤者兩板權與甘寧蹶馬趨津谷

利自後著鞭助勢遂得渡梁凌統被鎧落水後到追

及流涕津渚

吳志吳主孫權傳權征合肥未下撤軍還兵皆就路權與凌統甘寧等在津北

為魏將張遼所襲統等以死扞權權乘駿馬越津橋  
得去江表傳曰權乘駿馬上津橋橋南已見撤丈

餘無版谷利在馬後使權持鞍緩鞚利于後著鞭以助馬勢遂得超度權既得免即拜利為都亭侯凌統傳統率親近三百人陷圍扶打權出復還戰左右盡死統被甲潛行及權痛親近無返者悲不自勝

施水又東分為二水枝水北出焉下注陽淵施水又東逕東口戍東注巢湖謂之施口也

沮水出漢中房陵縣

今為湖廣鄖陽府房縣

淮水東南過臨沮縣

界

今為襄陽府南漳縣故城在縣境

沮水出東汶陽

何氏云汶陽未詳

郡沮陽縣西北景山

在今房縣

西南一百里一名雁山一名馬塞山

即荆山首也

漢志南郡臨沮縣下云禹貢南條荆山在

東北漳水所出通典云臨沮故城在當陽縣北而南漳亦臨沮之地按魏志西魏析臨沮置重陽縣後周改曰思安隋開皇十八年改曰南漳有荆山今南漳縣西北八十里之荆山是也左傳昭四年司馬侯曰荆山九州之險十二年右尹子革曰昔我先王熊繹辟在荆山後漢志臨沮縣有荆山劉昭曰荊州記云西北三十里有清溪溪北即荆山首曰景山即下和抱璞之處元和志荆山在南漳縣西北八十里三面險絕惟東南一隅繞通人徑寰宇記云南漳縣荆山頂上有池喬松翠柏列繞其傍此後沮水漳水篇即言出荆山即此也

高峰霞舉峻竦層雲山海經云金玉是出亦沮水之所導故淮南子曰沮出荆山高誘云荆山在左馮翊懷德縣蓋以洛水有漆沮之名故也斯謬

證耳杜預云水出新城郡之西南發阿山蓋山異名也沮水東南流逕沮陽縣東南縣有潼水東逕其縣南下入沮水沮水又東南逕汶陽郡北即高安縣界郡治錫城縣居郡下城故新城之下邑義熙初分新城立西表悉重山也沮水南逕臨沮縣西青溪水注之水出縣西青山山之東有濫泉即青溪之源也口徑數丈其深不測其泉甚靈潔至於炎陽有亢陰雨無時以穢物投之輒能暴雨其水導源東流以源出

青山故以青溪為名尋源浮溪

上下疑有脫訛

奇為深峭盛

弘之云稠木傍生凌空交合危樓傾岳

疑是阜

恒有落

勢風泉傳響于青林之下巖猿流聲于白雲之上遊

者常若

疑作苦

目不周翫情不給賞是以林徒栖託雲

客宅心泉側多結道士精廬焉青溪又東流入于沮

水沮水又屈逕其縣南晉咸和中為沮陽郡治也沮

水又東南逕當陽縣北

今屬荊州府荊門州

縣城因岡為阻北

抗沮川其故城在東一百四十里謂之東城在綠林

長坂南

在當陽縣北一百里

長坂即張翼德橫矛處也沮水又

東南逕驢城西磨城東

在當陽東四十里東有驢城

又南逕麥城

西

在當陽縣東六十里

昔關雲長詐降處自此遂叛傳云子胥

造驢磨二城以攻麥邑沮水又南逕楚昭王墓東對  
麥城故王仲宣之賦登樓云西接昭丘是也沮水又  
南與漳水合焉

又東南過枝江縣

今屬荊州府

東南入于江

沮水又東南逕長城東又東南流注于江謂之沮口

也

漳水出臨沮縣東荆山東南過蓼亭又東過章鄉南

荆山在景山東一百餘里新城沛鄉

何氏引晉書地理志作沛鄉

縣界雖羣峰競舉而荆山獨秀漳水東南流又屈西

南逕編縣南

今荆門州地

縣舊城東北一百四十里高陽

城西南

在今歸州境

移治許茂故城城南臨漳水漳水又

南歷臨沮縣之漳鄉南昔關羽保麥城詐降而遁潘

璋斬之于北漳水又南逕當陽縣又南逕于麥城東



王仲宣登其東南隅臨漳水而賦之曰夾清漳之通  
浦倚曲沮之長洲是也漳水又南滌水注之山海經  
曰滌水出東北宜諸之山而南流注于漳水

又南至枝江縣北烏

疑有脫

扶邑入于沮

地理志曰禹貢東

按志作南禹貢無東條之山此云東誤

條荆山在臨

沮縣之東北漳水所出東至江陵入楊

按志作陽

水注于

沔非也今漳水於當陽縣之東南一百里餘而右會  
沮水也

夏水出江流于江陵縣東南

江津豫章口東有中夏口是夏水之首江之汜也屈  
原所謂過夏首而西浮顧龍門而不見也龍門即郢  
城之東門也

又東過華容縣南

今屬岳  
州府

縣故容城矣春秋魯定公四年許遷于容城是也北  
臨中夏水自縣東北逕成都郡故城南晉永嘉中西  
蜀阻亂割華容諸城為潁王都夏水又逕交阯太守

胡寵墓北漢太傅廣身

疑有訛脫

陪陵而此墓側有廣碑

故世謂廣冢非也其文言是蔡伯喈之辭歷范西戎

墓南王隱晉書地道記曰陶朱冢在華容縣樹碑云

是越之范蠡晉太原地記盛弘之荊州記劉澄之記

並言在縣之西南郭仲產言在縣東十里檢其碑題

云故西戎令范君之墓碑文缺落不詳其人稱蠡是

其先也碑是永嘉二年立觀其所述最為究悉似親

逕其地故違衆說從而正之夏水又東逕監利縣南

今屬荊州府

晉武帝太康五年立縣土卑下澤多陂池西南自州陵東界逕于雲杜沔陽為雲夢之藪矣韋昭曰雲夢在華容縣按春秋魯昭公三年鄭伯如楚子產備田具以田江南之夢郭景純言華容縣東南巴丘湖是也杜預云枝江縣安陸縣有雲夢蓋跨川亘隰兼苞勢廣矣夏水又東夏楊水注之水上承楊水于竟陵縣之柘口東南流與中夏水合謂之夏楊水又東北逕江夏惠懷縣北而東北注

又東至江夏雲杜縣入于沔

應劭十三州記曰江別入沔為夏水源夫夏之為名始于分江冬竭夏流故納厥稱既有中夏之目亦苞大夏之名矣當其決水之所出謂之堵口焉鄭元注尚書滄浪之水言今謂之夏水來同故世變名焉劉澄之著永初山川記云夏水古文以為滄浪漁父所歌也因此言之水應由沔今按夏水是江流沔非沔入夏假使沔注夏其勢西南非尚書又東之文余亦

以為非也自堵口下沔水通兼夏目而會于江謂之夏汭也故春秋左傳稱吳伐楚沈尹射奔命夏汭也杜預曰漢江曲入江即夏口矣

羌水出羌中叅糧

按漢志羌道縣下師古引水經云羌水出羌中叅谷

彼俗謂之天池白水矣地理志曰出隴西羌道東南流逕宕昌城東西北去天池五百餘里水又東南逕宕昌婆川城東南北注羌水昔姜維之寇隴右也聞鍾會入漢中引還知雍州刺史諸葛緒屯橋頭從此

谷將出北道

按魏志鄧艾傳作從函谷入北道

緒邀之此路繼更從

此疑作

道渡橋頭入劔閣

在今保寧府劔州北三十里

緒追之不

及羌水又東南陽部水注之水發東北陽部溪西南

逕安民戍又西南注羌水羌水又東南逕武階城西

南又東南逕葭蘆城西羊湯水入焉水出西北陰平

北界湯溪東南逕北部城北又東南逕三部城南東

南右妾

下合字疑在右下妾一作接

水合傍西南出即水源所發

也羌水又逕葭蘆城南逕餘城南又東南左會五會

水水有二源出南北五部溪西南流合為一水屈而東南注羌水羌水又東南流至橋頭合白水東南去白水縣故城九十里

又東南至廣漢白水縣與漢水合又東南過巴郡閬中縣又南至墊江縣東南入于江

涪水出廣漢涪縣西北

涪水出廣漢屬國剛氏遊

當作  
氏道

徼外東南流逕涪水

西

漢志廣漢郡剛氏道下云涪水出徼外南至墊江入漢涪縣下應劭曰涪水出廣漢南入漢今云氏



遊誤涪水  
當作涪縣

王莽之統睦臧宮進破涪城斬公孫恢于

涪自此水上縣有潺水出潺山水源有金銀礦洗取

火合之以成金銀潺水厯潺亭而下注涪水涪水又

東南逕綿竹縣北臧宮溯涪至平陽公孫述將王元

降遂拔綿竹

按後漢書臧宮傳云從涪水上平曲後  
云軍至平陽鄉蜀將王元率衆降則平

陽下當  
有鄉字

涪水又東南與建始水合水發平洛郡西溪

西南流屈而東西流入于涪涪水又東南逕江油

江油

縣今屬  
保寧府

戍北鄧艾自陰平景谷步道

陰平道在  
今江油縣

懸兵

東馬入蜀逕江油廣漢者也

魏志鄧艾傳艾自陰平道行無人之地七百餘

里鑿山通道造作橋閣山高谷深至為艱險艾以毡自裹推轉而下將士皆攀木緣崖魚貫而進先登至

江油涪水又東南逕南安郡南又南與金堂水會水出

廣漢新都縣東南流入涪涪水又南枝

枝下疑有脫文

出焉

西逕廣漢五城縣為五城水又西至成都入于江

南至小廣漢與梓潼

潼下疑有水字合

小廣漢即廣漢縣地王莽更名曰廣信也

梓潼水出其縣北界西南入于涪

梓潼縣今屬保寧府

故廣漢郡也公孫述改為梓潼郡劉備嘉霍峻守葭

萌之功

葭萌縣今為保寧府廣元等縣

又分廣漢以北別為梓潼郡

以峻為守縣有五女蜀王遣五丁迎之至此見大蛇

入山穴五丁引之山崩壓五丁及五女因

因下疑是有名字是

山為五婦山

在今梓潼縣北一十五里

又曰五婦候

華陽國志秦惠王遣蜀王

美女五人蜀遣五丁迎女還到梓潼見一大蛇入穴中一人攬其尾五人相助大呼捉蛇山崩時壓殺五人及秦五女并將從而山分為五嶺蜀王痛傷因命曰五婦冢山川平石上為望婦候馳水所

出一日五婦水亦曰潼水也其水導源南逕梓潼縣

王莽改曰子同矣自縣西逕涪城東又南入于涪水  
謂之五婦水口也

又西南至小廣漢南入于墊江

亦言涪水至北入漢水亦謂之內水北入墊江昔岑  
彭與臧宮自江州從涪水上公孫述令延岑盛兵于

沉水

按後漢書臧宮傳公孫述將延岑盛兵于沅水此云沉水恐誤

宮左步右騎夾

船而進勢一作聲

動山谷大破岑軍斬首溺水者萬餘

人水為濁流沉水出廣漢縣

今為潼川府鹽亭縣

下入涪水也

涔水出漢中南縣

南縣當  
作南鄭

東南旱山北至沔陽縣南入

于沔

涔水即黃水也東北流逕城固

漢志作  
成固

南城北城在

山上或言韓信始立或言張良創築未知定所制矣

城固縣今仍屬漢中府  
及洋縣西鄂縣等地


義熙九年索遐為果州刺史

自城固治此故謂之南城城周七里衿澗帶谷絕壁

百尋北谷口造城東門傍山尋澗五里有餘槃道登

陟方得城治城北水舊有桁北渡涔水水北有趙軍

城城北又有桁渡沔取北城城即大成固縣治也黃  
水右岸有悅歸館泔水歷其北北至沔陽左沔為三  
水口也



水經注集釋訂訛卷三十二

欽定四庫全書

史部

水經注集釋訂訛卷三十三至

詳校官監察御史臣周元良

刑部郎中臣許兆椿覆勘

總校官原任中允臣王燕緒

校對官中書臣吳裕德

謄錄監生臣徐瑤



欽定四庫全書

水經注集釋訂訛卷三十三

歸安沈炳巽撰

江水一

岷山在蜀毘氐道縣

今為四川松潘衛治衛本禹貢梁州之域後為氐羌地漢置湔氐道

屬蜀郡唐為嘉域梓州治明置松潘衛屬成都司在成都西北七百六十里

大江所出東南

過其縣北

岷山即瀆山也水曰瀆水矣又謂之汶阜山在徼外

江水所導也益州記曰大江泉源即今所聞始發羊  
膊嶺下緣崖散漫小大百數殆未濫觴矣東南下百

餘里至白馬嶺而歷天彭關亦謂之為天谷也

按通典彭

州導江縣西有天彭關兩山相對如關州名取此導江即今游縣西北去松潘衛六百餘里非益州記之

所謂天彭關也

秦昭王以李冰為蜀守冰見氐道縣有天彭

山兩山相對其形如關謂之天彭門亦曰天彭關江

水自此已上至微弱所謂發源濫觴者也

荀子云江出汶山其

始發源可以濫觴及其至江之津不方舟不避風不可涉也

漢延平中岷山崩壅

江水三日不流

按漢書五行志成帝元延三年正月丙寅蜀郡岷山崩壅江江水逆流三日

日乃通今云延平誤延平乃後漢瑒帝年號延平中無岷山崩壅江事

揚雄反離騷云

自岷山投諸江流以弔屈原名曰反騷也

江水自天彭關東逕汶關而歷氐道縣北

漢武帝元封四年分蜀郡北部置汶山郡以統之縣

本秦始皇置後為昇遷縣也

晉書地理志作升遷縣屬汶山郡

益州

記曰自白馬嶺回行二千餘里

詳下文當作二十餘里

至龍涸

晉之升遷縣後周置龍涸郡今為四川松潘衛

又八十里至西陵縣

按漢志西陵縣

屬江夏郡今之湖廣黃州府黃岡縣也去蜀甚遠不應遽至且下又云南下六十里至石鏡乃成都府之武都山也又云西百二十里至汶山故郡則上必非西陵明矣或是犛陵則同為蜀縣未可知耳 又

南下六十里至石鏡元和志翼水縣北至翼州六十里石鏡山在縣東南九里大江

水經縣西又六十餘里而至北部始百許步汶江為蜀郡北

部都尉治故又西百二十里至汶山故郡乃廣二百

餘步漢武帝元鼎六年以冉駝地置汶山郡治汶江縣地節三年郡廢縣屬蜀郡建安中先主定蜀

復分置汶山郡治汶江縣今茂州是也其故城在今北三里晉移郡於緜虜縣改汶江曰廣陽屬焉在今

州南二百里故謂漢所置曰汶上故郡即宣帝廢為蜀郡北部者也隋改廣陽曰汶山縣復置汶山郡元

和志云汶山即岷

又西南百八十里至濕坂江稍大

山去青城百里

元和志濕坂在茂州汶山縣南一百三十七里嶺

矣

上樹木森沈常有水滴未嘗暫燥故曰濕坂自大

江泉源至江稍大矣皆益州記中語

故其精則井絡纏曜江漢晒靈河

圖括地象曰岷山之精上為井絡帝以會昌神以建

福故書曰岷山導江泉流深遠盛為四瀆之首廣雅

曰江貢也風俗通曰出珍物可貢獻釋名曰江共也

小水流入其中所公共也東北百四十里曰岷山

岷

山在今雅州榮經縣東四十里  
本名印笮故印人笮人界也  
中江所出東注于大

江峽山卽峽山也在漢嘉嚴道縣一曰新道南山有

九折坂

明一統志九折坂在卽峽山山路險峻回曲九折乃至山上漢王陽為益州刺史行部至

此歎曰奉先人遺體奈數乘此險後以病去及王尊為刺史至此問吏曰此非王陽所畏道耶叱其御曰

驅之王陽為孝子王尊為忠臣

夏則凝冰冬則毒寒王子陽按轡處

也平恒言是中江所出矣郭景純江賦曰流二江于

岨峽又東百五十里曰岨山北江所出東注于大江

山海經曰岨山江水出焉東注大江其中多怪虵江

水又逕汶江道汶出徼外岷山西玉輪坂下而南行

汶水一名玉輪江方輿勝覽云在汶川縣北三里明  
一統志云汶江在汶川縣治西源出玉壘山入灌縣  
元和志玉壘山在汶川縣北四里縣北  
去茂州百里本漢緜虜縣地今為保縣 又東注其縣

而東注于大江故蘓代告楚曰蜀地之甲浮船于汶  
乘夏水而下江五日而至郢謂是水也

又有湔水入焉

湔水在石泉縣治東源出玉壘山東南至江陽縣入江

水出綿道亦曰綿夷縣之玉壘山

夷當作虜按漢志蜀郡緜虜縣玉壘

山湔水所出東南至江陽入江今為灌縣及汶川縣地

呂忱云一曰半浣水也

下注江

江水又東別為沱

開明之所鑿也郭景純所謂玉壘作東別之標者也

縣即汶山郡治劉備之所置也渡江有笮橋

禹貢錐指江沱

自古有之華陽國志曰七國時有杜宇稱帝于蜀號望帝其相開明決玉壘山以除水害帝遂禪位于開明此說出揚雄蜀王本紀故漢志云汶江縣有江沱在西南東入江夫既為七國時開明所鑿則非禹之江沱亦不辯而自明矣

江水又歷都安縣

縣有桃關漢武帝祠李冰作大堰于此

都安本漢緜鹿郫江原三



縣也蜀漢分置都安縣屬沅陽郡晉徙都安于灌口屬汶山郡宋齊因之後周省都安入郫縣唐初于灌口置盤龍縣尋改為導江縣孟蜀置灌州宋時廢置不常元初復置灌州明改州為縣本朝因之故城在

縣東堰堰于江作壩有左右口謂之湔壩江入郫江

在縣西檢江胡引益州記曰江至都安堰其右

檢其左其正流遂東郫江之右也因山頽水坐致竹

木以溉諸郡華陽國志曰李冰壅江作壩穿郫江檢江別支流雙過郡下以行舟船蓋以郫

檢為二江檢江即任豫之所謂流江也又有犍尾堰元和志云在導江縣西南二十五里李冰作之以防

江決破竹為龍圓徑三尺長又羊摩江灌江西于玉

女房下

此句疑有謬脫

作三石人于白沙郵郵在堰官上立

水中刻要江神水竭不至足盛不沒要是以蜀人旱

則藉以為溉

旱疑作旱

雨則不遏其流故記曰水旱從人

不知饑饉沃野千里世號陸海謂之天府也俗謂之

都安之堰亦曰湔堰又謂金堤左思蜀都賦云西踰

金堤者也諸葛亮北征以此堰農大

胡引作本

國之所資

以征丁千二百人主護之有堰官益州刺史皇甫晏

至都安屯觀坂從事何旅曰今所安營地名觀上夫

在下其徵不祥不從果為牙門張和所殺按華陽國志云今所

安營地名觀坂自上觀下反上之象其徵不祥今所引頗誤當從志改正江水又逕臨邛

縣王莽之監邛也今為四川邛州及諸縣縣有火井鹽水昏夜

之時光興上照火井在邛州西八十里博物記云臨邛火井深二三丈以竹木投取火後

人以火燭投井中火即滅絕不復燃又蜀都賦注先以家火投之須叟火焰上騰以竹筒盛之接其光而

無炭也取井火還燭井水一斛水得四五斗鹽家火煮之不過二三斗鹽耳江水又逕江

鄉縣王莽更名邛原也按漢志蜀郡江原王莽曰邛原此云江鄉當作原壽

江水焉江原今為成都府崇慶州漢志江原縣鄜水水首受江南至武陽入江武陽今眉州及新

津仁壽井  
研三縣地  
江水又東北逕郫縣下

今屬成都府故城在縣北五十步杜

宇所都張儀始築城晉時李雄自稱益州牧都郫即此

縣民有姚精者為叛夷

所殺掠其二女二女見夢其兄當以明日自沈江中

後日當至可伺候之果如所夢得二女之尸于水郡

縣表異焉江水又東逕成都縣

成都故城即今縣治蜀王開明所都也秦

置成都縣漢末益州治此晉以後並因之唐宋元明為成都治所本朝因之縣以漢武帝

元鼎二年立縣有二江雙流郡下故揚子雲蜀都賦

曰兩江躡其前者也風俗通曰秦昭王使李冰為蜀

守開成都兩江溉田萬頃神歲取童女二人為婦冰  
以其女與神為婚經至祠前勸神酒酒杯恒澹澹冰  
厲聲以責之因忽不見良久有兩牛鬪于江岸傍有  
間冰還流汗謂官屬曰吾鬪疲極當相助也南向腰  
中正白者我綬也主簿刺殺北面者江神遂死蜀人  
慕其氣決凡壯健者因名冰兒也秦惠王二十七年  
遣張儀與司馬錯等滅蜀遂置蜀郡焉王莽改之曰  
導江也儀築成都以象咸陽晉太康中蜀郡為王國

更為成都內史益州刺史治地理風俗記曰華陽黑

水惟梁州漢武帝元朔二年改梁曰益州以新啓犍

為犍犮

今四川馬湖遵義及雲南臨安等府

越雋州

今四川寧番衛及雲南楚雄府定遠

等縣地

之疆壤益廣故稱益云初治廣漢之雒縣

今成都府

金堂縣

後乃徙此故李固與弟圖書曰固今年五十七

鬢髮已白所謂容身而遊滿腹而去周觀天下獨未

見益州耳昔嚴夫子常言經有五涉其四州有九遊

其八欲類此子矣初張儀築城取土處去城十里因

以養魚今萬頃池是也

明一統志作萬歲池在成都府城北一十里張儀築城取

土于此因以成池廣袤數十里溉三鄉田萬頃

城北又有龍堤池城東有千

秋池西有柳池西北有天井池津流經通冬夏不竭

西南兩江有七橋直西門郾江冲里橋

華陽國志作冲治橋

西

南石牛門曰市橋吳漢入蜀自廣都令輕騎先往焚

之橋下謂之石犀淵李冰昔作石犀五頭以厭水精

穿石犀渠于南江命之曰犀牛里後轉犀牛二頭在

頭中

宋本作在府中

一頭在市橋一頭沈于淵也

明一統志石犀在成都

都府城南三十五里秦太守李冰作五石犀沈之于江以厭水怪後土人立廟江上以祀冰號曰石犀廟

大城南門曰江橋橋南曰萬里橋

在成都府中和門外寰宇記云昔諸

葛亮送費禕聘吳至此曰萬里之行始于此矣又唐史明皇狩蜀過此問橋名左右對以萬里帝歎曰開

元末僧一行謂更二十年國有難朕當西上曰夷橋遠遊至萬里之外此是也遂駐蹕成都

華陽國志作夷里橋

下曰笮橋

在成都府城西四里

南岸道東有文學始

文翁為蜀守立講堂作石室於南城永年

年字謫華陽國志作

初後學堂遇火後守更增二石室

華陽國志漢孝文末年以廬江文翁

為蜀守翁乃立學選史子弟就學遣雋士張叔等十人東詣博士授七經還以教授學徒鱗萃蜀學比



於齊魯巴漢亦立文學孝景帝嘉之今天下郡國皆立文學因翁倡其教蜀為之始也永初後堂遇火太守陳留高暉更修後州奪郡學移夷里道西故錦官立又增造二石室

也言錦工織錦則濯之江流而錦至鮮明濯以他江則錦色弱矣遂命之為錦里也蜀有迴復水江神嘗溺殺人文翁為守祠之勸酒不盡拔劍擊之遂不為

害江水東逕廣都縣今為成都府雙流縣其故城在今成都縣東南新津縣東北

漢武帝元朔二年置王莽之就都亭也李冰識察水脈穿縣鹽井江西有望穿鑿山渡水結諸陂池故盛

養生之饒

按華陽國志云冰識齊水脈穿廣都鹽井諸陂池蜀于是盛有養生之饒焉又云廣

都縣有鹽井漁田之饒江西有安稻田穿山崖過水二十里今所引乃合二處言之頗有謬誤 即南

江也又從沖里

志作 橋北

志作 折曰長升橋城北十

里曰升遷

華陽國志西江有七橋直西門郾江中沖治橋西南石牛門曰市橋城南曰江橋南

渡流曰萬里橋西上曰夷里橋下曰竿橋從沖治橋西出折曰長昇橋郾江上西有永平橋城北十里有

昇仙 橋 有送客觀司馬相如將入長安題其門曰不乘

高車駟馬不過汝下也後入邛蜀果如志焉李冰沿

水造橋上應七宿故世祖謂吳漢曰安軍宜在七橋

連星間

華陽國志作安軍宜在七星間

漢自廣都乘勝進逼成都與

其副劉尚南北相望夾江為營浮橋相對公孫述使

謝豐揚軍市橋出漢後襲破漢墜馬落水緣馬尾得

出入壁命將夜潛渡江就尚擊豐斬之於是水之陰

江北則左對繁田

繁田繁縣之田今為新繁也

文翁又穿湔洩以

溉灌繁田一千七百頃江水又東絕

胡引作逕

綿洛逕五

城界至廣都北岸南入於江謂之五城水口斯為北

江水又東至南安為壁

疑作壁胡作碧

玉津故左思云東越

玉津也

又東南過犍為武陽縣青衣水沫水從西南來合而注

之禹貢錐指引經文武陽縣下有與鄰江合四字犍為郡有南安縣今嘉定州及夾江犍為等縣皆其地

縣故大夜郎國漢武帝開道置以為縣太初四年益

州刺史任安城武陽建元六年置王莽更名西順縣

曰戢成武陽縣今成都府仁壽縣及井研縣嘉定州眉州義眉等州縣皆其故地光武謂

之士大夫郡華陽國志更始時犍為遠修貢職及公孫述有蜀郡拒守述伐之郡功曹朱遵

逆戰死之而任君業閉戶費貽素隱光武嘉之曰士大夫之郡也有鄰江入焉出江

原縣首受大江東南流至武陽縣注于江縣下注疑作

江上舊有大橋廣一里半謂之安漢橋華陽國志作漢安橋水

盛歲壞民苦治功後太守李巖鑿大社山華陽國志作天社山

按明一統志天社山在新津縣南三里枕大江今作大誤尋江通道此橋遂廢縣

有赤水下注江建安二十九年有黃龍見此水九日

方去此縣藉江為大堰開六水門用灌郡下北山昔

者王喬所升之山也華陽國志曰犍為東接江陽南接朱提北接蜀郡西接廣漢王

喬升其北山彭祖家其彭蒙江水又與文井江會李冰所導也自

笮道與濛溪分水至蜀郡臨邛縣與布僕水合水出

徼外成都西沈黎郡

今黎州土司地

漢武元封四年以蜀都

邛笮邛理旄牛道天漢四年置都尉主外羌在邛峽

山表

後漢書郡國志蜀郡屬國旄牛縣下引華陽國志曰旄地也在邛峽山表邛人自蜀入度此山

甚艱難南人毒之故名

自蜀西度邛笮其至險有弄棟八渡之

難楊毋闕路之岨

漢志益州郡有弄棟縣原本譌作棟郡國志引華陽國志云其道至

險有長嶺若棟八渡之難楊毋闕之峻昔楊氏創造作閤故名

水從縣西布僕來分

為二流一水逕其道又東逕臨邛入文井水文井水又

東遼江都縣

余兄東甫曰江都縣漢志屬廣陵國今為揚州府治蜀中諸郡無名江都者疑

是諺字恐當作江原或作江陽炳巽按華陽國志江原縣郡西渡大江瀛文井江去郡一百二十里有青

城山據此則當作江原明矣蓋此注原引志中語也縣濱文井江江上有長堤

堤跨四十里有朱

原本

亭亭南有青城山山上有嘉

穀山下有蹲鴟即芋也所謂下有蹲鴟至老不饑卓

氏之所以樂遠徙也文井江又東至武陽縣天社山

下入江其一水南遼越雋邛都縣西東南至雲南都

當作

之青蛉縣

今為雲南姚安府大姚縣地

郡本雲山

華陽國志作雲川

地也蜀建興三年置僕水又南逕永昌郡邪龍縣而

與貪水合水出青蛉縣上承青蛉水

明一統志青蛉河舊名三窠成

江源出三窠山流至姚安府南四十里瀦為石池周廣二百餘畝分為二溪至府城北復合流至大姚縣

南東入金沙江

逕葉榆縣

今雲南大理府治及諸縣地

又東至邪龍入于

僕

布僕水在四川邛州西八十里發源自獠界即古之濮也

僕水又逕寧州建寧

縣

今介休縣又雲南府建寧縣

州故庾隆都督屯故南人謂之屯

下劉禪建興三年分益州郡置歷雙栢縣即水入焉

水出秦臧

漢志作秦臧屬益州郡

牛蘭山南流至雙栢縣東注



僕水又東至來維縣入勞水水出徼外東逕其縣與

僕水合僕水東至交州交阯郡麓泠縣

漢志注孟康曰音螟蛉師

古曰音麋零

南流入于海江水自武陽東至彭亡聚昔岑

彭與吳漢渾流入蜀軍次是地知而惡之會日暮不移遂為刺客所害亦謂之平謨水曰外水此地有彭

冢言彭祖冢焉江水又東逕南安縣西

今為嘉定州夾江縣

有

熊耳峽連山競險接嶺爭高漢河平中山崩地震江

水逆流懸既有灘名壘砥亦曰鹽溉李冰所平也

華陽

國志南安縣郡東四百里治青衣江會縣既有名  
灘一曰雷垣二曰鹽溉李冰所平也此引頗誤 縣

治青衣江會衿帶二水矣即蜀王開明故治也來敏  
本蜀論曰荆人鬻令死其尸隨水上荆人求之不得  
鬻令至汶山下邑復生起見望帝望帝者杜宇也從  
天下女子朱利自江源出為宇妻遂王於蜀號曰望  
帝望帝立以為相時巫山峽西蜀水不流帝使鬻令  
鑿巫峽通水蜀得陸處望帝自以德不若遂以國禪

號曰開明

華陽國志所載與此小異附錄於後蜀王  
杜宇教民務農一號杜主時朱提有梁氏

女利遊江源宇說之納以為妃移治郾邑或治瞿上  
七國稱王杜宇稱帝號曰望帝更名蒲卑自以功德  
高諸王乃以褒斜為前門熊耳靈關為後戶玉壘峨  
眉為城郭江潛綿洛為池澤以汶山為畜牧南中為  
園囿會有水災其相開明决玉壘山以除水害帝遂  
委以政事法堯舜禪授之義遂禪位於開明帝升西

山以隱焉縣南有峨眉山有蒙水即大渡水也明一統志

出雋州流逕舊羅目水發蒙漢當作蒙溪漢志蜀郡

縣南東入龍游縣界大渡水東南東南流與泯水合水出徼外逕汶江道

至南安入泯呂忱曰泯水出蜀許慎以為泯水也從水泯聲漢志

水說文曰泯水字雖異實同一水也說見下注南至南安入大渡水大渡水

又東入江

禹貢錐指云經曰和夷底績傳曰和夷之地致功  
可藝正義曰和夷蕪氏曰和夷西南夷名也按水  
經引鄭說云和夷和上夷所居之地和水即泚水  
和泚聲相近字從而變地理志云青水縣禹貢蒙  
山溪大渡水東南至南安入泚泚水出汶江縣徼  
外南至南安東入江過郡二行三千四十里  
按汶江今  
為成都府茂州南安今為嘉定州自茂州至嘉定  
不應有三千四十里之遠又按杜氏通典茂州南

至濛陽郡三百七十里自濛陽南至蜀郡一百五里自蜀郡南至仁壽郡二百里自仁壽西南南至犍為郡一百九十里犍為郡唐之嘉州今之嘉定州也自茂州至嘉州通典止八百六十里而漢志乃云三千四十里此必無之理定有謬誤之字

澦乃澦字之誤說文澦水

出蜀汶江徼外東南入江從水我聲徐鉉音我何切故知澦當作澦和夷者澦水南之夷也汶江今茂州南安今嘉定州水經江水東南過犍為武陽縣青衣水沫水從西南來注之此即二水會澦水入江處也酈注云江水自武陽東至彭亡聚曰外

水又東南逕南安縣西有熊耳峽縣南有峩眉山  
有濛水即大渡水也與泚水合大渡水又東入江  
班固謂大渡入泚道元謂泚入大渡然泚水源長  
當以漢志為正道元叙泚水甚畧自漢志誤泚作  
泚而師古曰音哉世遂不知有泚水且不知泚水  
之所在徒以其下流與南安之沫水號為大渡者  
合而入江因目泚水曰大渡河元和志云黎州西  
至廓清城一百八十里其城西臨大渡河河西生

羌蠻界

黎州本漢沈黎郡旄牛縣地唐置黎州治漢源縣今黎大所南三十里漢源廢縣是

也又云通望縣北至黎州九十里大渡水逕其北

二百步

通望本漢旄牛縣隋為大渡戍尋置陽山縣唐改曰通望今黎所東南通望故城是

也李膺益州記云羊膊嶺水分二派一南流為大

江一西流為大渡河一名羊山江源出羊膊嶺大

渡河即泚水羊膊即汶江徼外之山泚水所出以

今輿地言之泚水自茂州徼外南流逕黎大所西

舊有黎州所大渡所本朝并為一曰黎大所附屬雅州折而東經所南又東

逕建昌衛越雋營北又東逕峩眉縣南又東至嘉

定州南合青衣沫水東入大江此水之南蓋即禹

貢所謂和夷也

故山海經曰濛水出漢陽西入江灑陽四

按山海經當作西

又東南過夔道縣北

夔蒲北切音匄原本俱謔作夔夔道今為四州叙州府宜賓縣

若

水淹水合從西來注之又東注水北流注

此句疑有謔脫若水出蜀

郡旄牛徼外東南流至越雋會無縣合淹水又東北至又朱提縣西為瀘江水又東北至夔道縣入江

縣本夔人居之地理風俗記曰夷中最仁有人道故



字施

當從朱本作  
故字從人

而秦紀謂棘童之富者也其邑高

后六年城之漢武帝感相如之言使縣令南通棘道

費功無成唐蒙南入斬之乃鑿石開閣以通南中迄

於建寧二千餘里山道廣丈餘深三四丈其鑿

朱本作  
作塹

之迹猶存王莽更曰棘治也

漢書西南夷傳建元六年  
唐蒙上書請

開西南夷上許之乃拜蒙以郎中將將千人食重萬  
餘人從巴犍關入遂見夜郎侯多同厚賜諭以威德  
約為置吏使其子為令夜郎旁小邑皆貪漢繒帛以  
為漢道道險終不能有也乃且聽蒙約還報迺以為  
犍為郡發巴蜀卒治道自棘道指牂牁江蜀人司馬  
相如亦言西南邛笮可置郡使相如以中郎將往諭

皆如南夷為置一都尉十餘縣屬蜀當是時巴蜀四郡通西南夷道載轉相釀數載不通士卒餓餒離暑濕死者甚眾耗費無功上患之乃罷西夷獨置南夷兩縣一都尉稍今捷為自保就山多猶猢

似猴而短足好遊巖樹一騰百步或三百丈順往倒

返乘空若飛縣有蜀玉岳蘭

華陽國志燹道有蜀王兵關李冰燒之後漢書

郡國志引作玉岳蘭故鄭元據之然恐非是

其神作大難

華陽國志作難

江中崖

峻岨險不可穿鑿李冰乃積薪燒之故其處懸巖猶

有赤白玄黃五色焉赤白照水玄黃從焚來至此而

止言畏崖嶼不更上也

華陽國志崖有赤白五色映水玄黃魚從楚來至此而止

畏崖映水也此脫魚字  
又諺楚為焚遂不可讀

益州耆舊傳曰張貞妻黃氏

女也名帛

華陽國志作熨道黃帛張貞妻也

貞乘船覆沒求尸不得

帛至沒處灘頭仰天而嘆遂自沈淵積十四日帛持

貞手于灘下出時人為說曰符有光洛焚道有張帛

者也

華陽國志符縣吏先尼和於永建元年十二月奉縣長遣往蜀過成瑞灘死子賢求尸不得女

絡年二十五乃分金珠作二錦囊繫兒頭下至二

年二月十五日至父沒所哀哭自沈見夢告賢曰至

二十一日當與父屍俱出至日父子浮出人為語曰符有先絡熨道有張帛求其人天下無有其偶者矣

此注諺先絡作光

洛諺熨道作焚道

江水又與符里

當作黑漢志南廣下汾關山符里水所出北至楚道縣入江

水合

水出寧州南廣郡南廣縣

今為叙州府慶符南溪等縣

縣故犍為

之屬縣也漢武帝太初元年置劉禪延熙中分以為

郡導源汾關山北水

水字疑在下句出字上

南北流有大步水

注之

按漢志南廣下有大步水北至符入江則此大步當作大涉

出南廣縣北流

注符黑水又北逕棘道入江謂之南廣口渚水則未

聞也

此句疑是錯簡

又東過江陽縣南洛水從三危山東過廣魏洛縣南東

南注之

廣魏洛陽當作廣漢雒縣廣漢郡今為潼川府各縣及成都府等地雒縣今成都府漢州及金

等堂縣地

洛水出雒縣漳山

胡引作章山按漢志雒縣下音山雒水所出南至新都入滄此云漳

未詳孰是

亦言出梓潼縣栢山山海經曰三危在燉煌南

與岷山相接山南帶黑水又山海經不言雒水所導

經曰出三危山所未詳常璩云李冰導雒通山水流發

暴口逕什方縣

華陽國志作導洛通山洛水或出瀑口逕什方縣會新都大渡

漢高

帝六年封雍齒為侯國王莽更名曰美信縣也雒水

又南逕雒縣故城南廣漢郡治也漢高帝之為漢王也發巴渝之士北定三秦六年乃分巴蜀置廣漢郡

于乘鄉王莽之就信縣曰吾雒也

按漢志廣漢郡莽曰就都廣漢縣莽

曰廣信今云就信是合郡縣言之疑誤雒縣莽曰吾雒

漢安帝永初二年移治

涪城後雒縣

此句有謠脫當從華陽國志作移涪後治雒城

先是雒縣城南

每陰雨常有哭聲聞于府中積數十年沛國陳寵為守以亂世多死亡暴骸不葬故也乃悉收葬之哭聲

遂絕劉備自將攻雒

蜀志先主克涪進圍雒縣龐士元率眾攻城為流矢所中卒

龐士元中流矢死於此益州舊以蜀郡犍為廣漢為

三蜀土地沃美人士僑入為一州稱望縣有沈鄉去

江七里江士遊之所居

沈鄉華陽國志作沈鄉江士遊後漢書作姜士遊華陽國

志作姜詩  
字士遊

詩至孝母好飲水嗜魚膾常以雞鳴遡流

汲江坐取水溺死婦恐姑知稱詩遊學冬夏衣服實

投江流於是至孝上通洞泉泉出其舍側而有江之

甘焉詩有田濱江澤齒

朱云據史記當作  
渴鹵謂鹹地也

盡為沃野

又湧泉之中旦旦常出鯉魚一雙以膳

原本  
譌繕

焉可謂

孝悌發于方寸徽美著于無窮者也

後漢書列女傳廣漢姜詩妻者

同郡龐盛之女也詩事母至孝妻奉順尤篤舍側湧泉味如江水每旦出雙鯉以供母

洛水又

南逕新都縣

今屬成都府

蜀有三都謂成都廣都此其一

焉與綿水合水西出綿竹縣

今屬成都府綿水出紫巖山東至新都縣北入

洛又與湔水合亦謂郫江也又言是沼水

宋本作涪水朱云當

作洛水 呂忱曰一曰湔然此二水俱與洛會矣又逕犍

為合牛鞞水昔羅尚乘牛鞞水東征李雄謂此水也

按十六國春秋蜀錄云李雄急攻尚尚糧運不繼軍士無食乃委城由牛鞞水夜遁也

縣以漢



武帝元封二年置又東逕資中縣

今為成都府資縣反內江縣等地

又逕安漢縣

今為順慶府廣安州

謂之綿水也自上諸縣咸以

灌溉故語曰綿洛為浸沃也綿水至江陽縣方山下

入江謂之綿水口曰中江

原本

江陽縣枕帶雙流據

江洛會也

按江陽屬犍為郡今叙州府富順縣及瀘州納溪江安皆其地漢志廣漢郡雒縣音

山雒水所出南至新都北入涪縣竹縣紫岩山縣水所出東至新都北入洛縣洛會涪以涪為主故絲虬下云涪水東南至江陽入江過都三行千八百九十里也郡注言涪水至廣都北岸入江蓋特其枝津相通耳正流則固合絲雒至江陽入江也涪水與郡江通波故曰絲雒與涪水合亦謂之郡江也

漢景

帝六年封趙相蘓喜為侯國

按史表景帝六年封蘓嘉為江陽侯漢表作蘓

息今云蘓喜似誤

江中有大門小門焉季秋之月則黃鱗魚

死漚也

此句有謬誤按華陽國志云江陽江中有大闕小闕季春黃龍堆沒闕即平然亦不可解

說也昔世祖微時過江陽縣有一子望氣者言江陽有

貴兒象王莽求之而撩煞之後世祖怨

衍字

為子立祠

於縣謫其民罰布數世

華陽國志世祖微時過江陽有一子望氣者曰江陽有貴

兒氣王莽求之縣人殺之後世祖為子立祠謫江陽民不使冠帶者數世

揚雄琴清英曰

尹吉甫子伯奇至孝後母譖之自投江中衣苔帶藻

忽夢見水仙賜其美藥惟養親揚聲悲歌船人聞而學之吉甫聞船人之聲疑似伯奇援琴作子安之操

江水逕漢安縣北

晉書地理志漢安縣屬江陽郡蜀置今為順慶府廣安州地禹貢錐指明

一統志俱作安漢故城在府城北三十五里

縣雖迫山川土地特美蠶魚鹽家有焉江陽郡治也故犍為岐江都尉建安十八年劉璋立

江水東逕樊石灘又逕大附灘

頓歷二險也

又東過符縣北邪東南

邪下疑有謄脫朱本云漢志益州郡有邪龍縣此疑漏龍縣二

字

鯁部水從符關東北注之

符縣今為四川瀘州合江縣

縣故巴夷之地也漢武帝建初六年

漢武帝無建初年號按漢志符

縣屬犍為郡武帝建元六年開西南夷傳唐蒙入蜀亦是建元六年當作建元為是

以唐蒙為

中郎將從萬人出巴符關者也

按漢書西南夷傳作將萬人從巴符關入

漢武元鼎二年立

漢志犍為郡建元六年開今云元鼎從華陽志也

王莽之

符信矣縣治安樂水會水源南通寧州平夷郡鬲縣

平夷郡今為雲南曲靖府

北逕安縣界之東

漢志無安縣犍

陸涼州等地鬲縣見前

為郡有南安縣符  
縣此疑漏南字

又逕符縣下北入江縣長趙祉遣

史光尼

和華陽國志作先尼和十一月作十二月  
成濡灘作成瑞灘女終作女絡俱與此異

以永建元年十一月詣巴郡没死成濡灘子賢求喪

不得女終年二十五歲有二子五歲以還至二年二

月十五日尚不得喪終乃乘小船至父没處哀哭自

沈見夢告賢曰至二十一日與父俱出至日父子果

浮出江上郡縣上言為之立碑以旌孝誠也其鰥部

之水所未聞矣或是水之殊目非所究也

又東北至巴郡江州縣東强水涪水漢水白水宕渠水

五

原本漏

水合南流注之

江州今為巴縣漢志涪水出徽外南至墊江入漢墊江今合州

也漢水即嘉陵水巴水一名北水其下流為宕渠水酈注云即潛水此宕渠之潛非漢壽之潛也

强水即羗水也宕渠水即潛水渝水矣巴水出晉昌

郡宣漢縣巴嶺山

晉昌郡今為陝西漢中府石泉縣

郡隸梁州晉太

康中立治漢中縣

今漢中府治

南去郡八百餘里故屬巴

西南流歷巴中逕巴郡故城南李嚴所築大城北西

南入江庾仲雍所謂江州縣對二水口右則涪内水

左則蜀外水即是水也江州縣故巴子之都也春秋桓公九年巴子使韓服告楚請與鄧好是也及七國稱王巴亦王焉秦惠王遣張儀救苴侯于巴儀貪巴苴之富因執其王以歸以置巴郡焉巴治江州漢獻帝初平元年分巴為三郡於江州則永寧郡治也劉

璋納蹇胤

原本作蹇消今從華陽國志改

之訟復為巴郡

華陽國志漢獻帝初

平元年征東中郎將趙穎建議分巴為二郡穎欲得巴舊名故白益州牧劉璋以墊江以上為巴郡江南龐羲為太守治安漢以江州至臨江為永寧郡胸恐至魚復為固陵郡巴遂分矣建安六年魚復蹇胤白

璋爭巴名璋乃改永寧為巴郡以固陵為巴東徙義  
為巴西太守是為三巴譙周巴記曰初平六年趙穎  
分巴為二郡欲得巴舊名故郡以墊江為治安漢以  
下為永寧郡建安六年劉綽分巴以永寧為巴東郡  
墊江為巴西郡云云據此二書則初平時止分巴為  
二郡至建安六年劉璋始分巴為三郡今云初平元  
年分似誤且所引以嚴顏為守顏見先主入蜀歎曰  
不詳故備錄之

獨坐窮山放虎自衛此即拊心處巴漢世郡治江州

巴水北北府城是也

華陽國志作巴水北有柑橘官  
今北府城是也漏去五字遂不

可解後乃徙南城劉備初以江夏費觀為太守領江州

都督後都護李嚴更城周一十六里造蒼龍白玉門



華陽國志 求以五郡為巴州治丞相諸葛亮不許華陽

作白虎門

國志劉先主初以江夏費璿為太守領江州都督後

都護李嚴更城大城周圍十六里欲穿城後山自汶

江通水入巴江使城為州求以五都置巴州丞相諸

葛亮不許亮將北征召嚴漢中以故嚴穿山不逮然

造蒼龍白虎門云

云較此注似明顯

竟不果地勢側險皆重屋累居數

有火害又不相容結舫水居者五百餘家承三江之

會夏水增盛壞散顛沒死者無數縣有官橋官荔枝

園夏至則熟二千石常設厨膳命士大夫共會樹下

食之縣北有稻田出御米也縣下又有清水穴巴人

以此水為粉則皜曜鮮芳貢粉京師因名粉水故世謂之為江州墮林粉粉水亦謂之為立水矣江水北岍有塗山南有夏禹廟塗君祠廟銘存焉常璩仲雍並言禹娶于此余按羣書咸言禹娶在壽春當塗不於此也

江水又東至枳縣西延江從牂牁郡北流西屈注之東逕陽關巴子梁江之兩岍猶有梁處巴之三關斯為一也延熙中蜀車騎將軍鄧芝為江州都督治此

江水又東右逕黃葛峽山高險今無人居江水又左

逕明月峽東至梨鄉歷鷄鳴峽江之南岬有枳縣治

華陽記曰枳縣在江州巴郡東四百里治涪陵水會

庾仲雍所謂有別江出武陵者也水乃延江之枝津

分水北注逕涪陵入江故亦云涪陵水也

陽關在今巴縣東漢

枳縣屬巴郡今重慶府之涪州及長壽鄆都二縣皆其地涪陵亦屬巴郡今黔州彭水武隆三縣是也

其水南逕武陵郡

今常德府及各屬縣

昔司馬錯泝舟此水取

楚黔中地延熙中鄧芝伐徐巨射玄援于是縣援自

拔矢卷木葉塞射瘡芝歎曰傷物之生吾其死矣

華陽

國志芝征涪陵徐巨見玄猿緣山芝性好弩手自射猿中之猿拔其箭拳木葉塞其瘡芝曰嘻吾違物之性其將死矣一曰芝見猿抱子在樹上引弩射之中心猿母其子為拔箭以木葉塞瘡芝乃嘆息投弩水中

自知當死

江水又東逕涪陵故郡北後乃并巴郡遂罷省

江水又東逕文陽灘灘險難上江水又東逕漢平二百餘里左自涪陵東出百餘里而屆於積石東為銅

柱灘

又逕東望峽東歷平都

郡國志引巴記曰和帝析枳縣置平都縣屬巴郡今重慶府鄞

縣都

峽對豐民洲舊巴子別都也華陽記曰巴子雖都江  
平州又治平都即此處也有平都縣為巴郡之隸邑  
矣縣有天師治兼建佛寺甚清靈縣有市肆四日一  
會

江水又逕虎鬚灘

忠州西二里有石梁亘三十餘丈橫絕江中俗呼為倒鬚灘即此灘也

灘水廣大夏斷行旅

江水又東逕臨江縣南

今為忠州治及墊江縣

王莽之鹽江縣也

漢志作莽曰監江

華陽記曰縣在枳東四

百里東接胸忍縣有鹽官自縣北入鹽井溪有鹽井

營戶泂注溪井水

此句疑有謬誤朱本云當作注鹽井溪水

江水又東得黃華水口

江浦也

左還石城南

庾仲雍曰臨江至石城黃華口一百里

又東至平洲

洲上多居民

又東逕壤塗而歷和灘又東逕界壇

是地巴東之西界益州之東界故得是名也又東過

魚復縣南

今為夔州府奉節縣

夷水出焉

江水又東右得將龜溪口

華陽記曰朐忍縣出靈龜咸熙元年獻龜於相府言

出自此溪也

江水又東南會北集渠

按注有二溪水則此當作江水又東南會南北集渠

二溪水出涪陵縣界謂之于陽溪北流逕巴東郡之

南浦僑縣西

巴東郡今夔州府治及諸屬縣南浦今夔州府萬縣

溪夾側鹽井

三口相去各數十步以木為桶徑五尺修煮不絕水

北北流注于江

水字上當有溪字下北字衍文

謂之南集渠口亦曰

于陽溪口北水出新浦縣北高梁山

新浦縣劉宋時置唐屬開州宋

省入開江縣今為開縣故城在縣境高梁山在今梁山縣北二十里

分溪南水

一作逕

其縣西又南一百里入朐忍縣南入于江謂之北集

渠口別名班口又曰分水口朐忍尉治此



江水又右逕池溪口

蓋江汜決入也

江水又東逕右龍

右龍字疑誤按明一統志夔州府有龍舂灘在府城東三里江中有石長

數百丈若龍舂故名此右字疑當作石

水至博陽二村之間有盤石廣四百丈長六里而復

殆于

此句疑有謬脫遂不可讀

岨塞江川夏没冬出基亘通渚

又東逕羊腸虎臂灘

楊亮為益州至此舟覆懲其波瀾蜀人至今猶名之

為使君灘

益州下疑漏刺史二字使君灘  
在今夷陵州西一百一十里

江水又東彭水注之

水出巴渠羣獠中東南流逕漢豐縣東

今開縣乃漢  
豐縣地漢末

析胸忍縣置  
屬巴東郡

清水注之水導源出西北巴渠縣東北

巴嶺南獠中即巴渠水也

今夔州府達縣東有巴渠  
廢縣本魏石鼓縣唐時析

置非漢之巴渠也漢之巴  
渠乃今保寧府及諸縣地

西南流至其縣又西入峽

檀井溪水出焉又西過山至漢豐縣東而西注彭溪  
謂之清水口彭溪又入逕胸忍縣西六十里南流注

于江謂之彭溪口

江水又東右逕胸忍縣故城南

漢胸忍縣屬巴郡今夔州府雲陽萬縣是也故

城在雲陽縣西六十里

常璩曰縣在巴東郡西二百九十里縣治故城跨其山阪南臨大江之南岸有方山山形方峭枕側江濱江水又東逕瞿巫灘

即下瞿灘也又謂之博望灘左則湯溪水注之水源出縣北六百餘里上庸界南流歷其縣翼帶鹽井一

百所巴川資以自給粒大者方寸中央隆起形如張傘故因名之曰傘子鹽有不成者形亦必方異于常鹽矣王隱晉書地道記曰入湯口四十三里有石煮以為鹽石大者如升小者如拳煮之水竭鹽成蓋蜀火井之倫水火相得乃佳矣湯溪下與檀溪水合上承巴渠水巴渠南歷檀井溪之檀井水下入湯水湯水又南入于江名曰湯口

江水又逕東陽灘

禹貢錐指引作東逕陽灘但玩鄭注引常璩云云則當從原本為是

江上有破石故亦謂之破石灘苟延光沒處也

朱謀  
埴曰

苟延光未詳吳本  
改作苟恐亦無據

常璩曰水道有東陽下瞿數灘山

有大小石城靈壽木及橘圃也故地理志曰縣有橘

官有民市

漢志胸忍縣下有橘官  
鹽官今云有民市未詳

江水又逕魚復縣之故陵

胡引又下有東字漢志魚復  
屬巴郡今為奉節縣故陵在

縣西接雲  
陽縣界

舊郡治故陵溪西二里故陵村溪即永谷也地多木

瓜樹有子大如甌白黃實甚芬香爾雅之所謂楸也

江水又東為落牛灘逕故陵北

江側有六大墳庾仲雍曰楚都丹陽所葬亦猶枳之  
巴陵矣故以故陵為名也有魚復尉戍此江之左岸  
有巴鄉村村人善釀故俗稱巴鄉清郡出名酒村側  
有溪溪中多靈壽木中有魚其頭似羊豐肉少骨美  
于餘魚溪水伏流逕平頭山內通南浦故縣陂湖其  
地平曠有湖澤中有菱芡鯽雁不異外江凡此等物  
皆入峽所無地密蠻惡不可輕至

江水又右逕夜清而東歷朝陽道口

有縣治治下有市十日一會

江水又東左逕新市里南

常璩曰巴舊立市於江上今新市里是也

江水又東右合陽元水口

水口出陽縣

陽縣上疑脫一字

西南高陽山東東北流逕其

縣南東北流丙水注之水發縣東栢枝山山下有丙

穴穴方數丈中有嘉魚常以春末遊渚冬初入穴抑

亦褒漢丙穴之類也

明一統志栢枝山在夔州府梁山縣南一十里有丙穴出嘉

魚蜀都賦嘉魚出於丙穴注云丙穴在漢中沔陽縣北有魚穴二所常以三月取之任豫益州記云嘉魚之鱗似鱗蜀人謂之拙魚從石孔隨泉出大者五六尺明一統志漢中府有丙水在沔縣北八十里源出褒城縣西北牛頭山經丙穴而過有嘉魚穴又夔州府丙穴在達縣東北凡十穴皆有嘉魚春社前魚即出穴秋社即歸其出也止于巴渠龍脊灘首有黑點謂照應星象相感而成長身細鱗肉白如玉其味鹹食鹽泉也

其水北流入高陽溪溪水又東北流注于江

謂之陽元水口

江水又東逕南鄉峽

在今夔州府城西五十里

東逕永安宮

永安縣即今夔



州府治奉節縣  
宮在卧龍山下

劉備終於此諸葛亮受遺處也其間平地可二十許

里江山迥濶入峽所無城周十餘里背山面江頽墉

四毀荆棘成林左右民多墾其中

白帝城在府治東  
公孫述據蜀自稱

白帝更號魚復曰白帝城蜀先主為陸遜所敗還  
至白帝改魚復曰永安宮居之明年寢疾而崩

江水又東逕諸葛亮圖壘南

石磧平曠望兼川陸有亮所造八陣圖東跨故壘皆

累細石為之自壘西去聚石八行行間相去二丈因

曰八陣既成自今行師庶不覆敗皆圖兵勢行藏之權自後深識者所不能了今夏水漂蕩歲月消損高

處可二三尺下處磨滅殆盡

明一統志八陣圖在夔州府城南其陣聚細石

為之各高五尺皆布列相當中間相去九尺正中間南北巷悉方廣五尺各六十四聚或為人散亂及為夏水所沒水退復如故成都圖經云武侯之八陣有三在夔者六十有四方陣法也嘉話錄王武子曾為夔州之西市俯臨江岸沙石下看諸葛公八陣圖箕張翼舒鷺形鶴勢象石分布宛然尚存峽水大時巴蜀雪消之際大樹十圍枯槎百丈破磴巨石隨波塞川而下水與岸齊雷奔山裂聚石為堆者斷可知也及乎水落川平萬物皆失故態惟陣圖小石之堆標聚行列依然如是者垂六七百年陶灑推激迄今不

動劉禹錫曰是諸葛公誠明一心為先主効死况此  
法出六韜是太公上智之材所構自有此法惟孔明  
行之所以神明保持一定而不可改也桓温征蜀過  
此布常山蛇陣遂勒銘曰望古識其真臨源愛往迹  
恐君遺事節聊下南山石柱子美八陣圖詩曰功  
蓋三分國名成八陣圖江流石不轉遺恨失吞吳

江水又東逕赤岬西

赤岬一名赤甲在夔州府城東七  
里不生樹木土石皆赤如人袒臂

故曰赤甲或云漢人常  
取巴人為赤甲軍因名

是公孫述所造因山據勢周迴七里一百四十步東  
高二百丈西北高一千丈南連基白帝山甚高大不  
生樹木其石悉赤土人云如人袒胛故謂之赤岬山

淮南子曰傍徨于山岬之旁注曰岬山脅也郭仲產曰斯名將因此而興矣

江水又東逕魚復縣故城南

魚復故城在今奉節縣北三里赤甲城是也白帝山

在縣元和志云即州城所據與赤甲山相接

故魚國也春秋左傳文公十六年庸與羣蠻叛楚莊王伐之七遇皆北惟裨儵魚人逐之是也地理志江關都尉治公孫述名之為白帝取其王巴蜀章武二年劉備為吳所破改白帝為永安巴東郡治也漢獻

帝初平元年分巴為三郡

說見前

以魚復為固陵郡趙

盾

當作蹇盾見華陽國志

訴劉璋改為巴東郡治白帝山城周

回二百八十步北緣馬嶺接赤甲山其間平處南北

相去八十五丈東西十七丈又東傍東瀼溪即以為

隍西南臨大江闕之眩目

方輿勝覽大瀼水在奉節縣入蜀記曰土人謂山間

之流通江者曰瀼寰宇記夔州大昌縣西有千頃池

水分三道一道南流為奉節縣西瀼水明一統志大

瀼水在夔州府城東自達縣萬頃池發源經此流入

大江東瀼水在府城東一十里公孫述於東瀼墾田

號東屯

惟馬嶺小差委迤猶斬為路羊腸數四然後得

上益州刺史鮑陋鎮此為譙道福所圍城裏無泉乃南開水門鑿石為函道上施木天公直下至江中有似猿臂相牽引汲然後得水水門之西江中有孤石

為淫預石冬出水二十餘丈夏則沒亦有裁處矣

胡引

作裁出矣寰宇記灩澦堆周圍二十丈在州西南二百步蜀江中心瞿塘峽口李膺益州記云灩澦堆夏水漲沒數十丈其狀如馬舟人不敢進又曰猶豫言舟子取途不決故猶豫也樂府作淫豫其歌曰淫豫大如馬瞿塘不可下明一統志灩澦堆在瞿塘峽口江心突兀而出諺云灩澦大如象瞿塘不可上灩澦大如馬瞿塘不可下  
縣有夷溪即很山清江也經所峽人以此為水候

謂夷水出焉

江水又東逕廣溪峽

斯乃三峽之首也其間三十里頽巖倚木厥勢殆交

北岸山上有神淵淵北有白鹽崖高可千餘丈俯臨

神淵土人見其高白故因名之

寰宇記白鹽山在州城淵東山半有龍池

方輿勝覽在城東七十里崖壁五十餘里其色炳耀狀若白鹽荆州記曰三峽之首北岸有白鹽峯峯下有黃龍灘水最急沿湖所忌明一統志白鹽山在夔州府城東十七里崖壁高峻色白若銀禹貢錐指白鹽山在奉節縣東隔江十里又東有黃龍灘虎鬚灘天旱燃木崖上推其灰燼

下穢淵中尋則降雨常璩曰縣有山

此下原本諺以三十一卷涪水

注并瀉水注三百六十六字錯簡於此今從朱本改正

澤水神旱時鳴鼓請雨

則必應嘉澤蜀都賦所謂應鳴鼓而興雨也峽中有

瞿塘黃龕

胡引作龍

二灘夏水迴復沿泝所忌瞿塘灘上

有神廟尤至靈驗刺史二千石逕過皆不得鳴角伐鼓商旅上水恐觸石有聲乃以布裹篙足今則不能

爾猶饗薦不輟

寰宇記瞿塘在夔州東一里古西陵峽也連崖千丈奔流電激舟人為之

恐懼方輿勝覽瞿塘乃三峽之門兩崖對峙中貫長江望之如門灑瀨灘當其口三峽者巫峽歸峽西陵



也峽此峽多猿猿不生北岸非唯一處或有取之放著

北山中初不聞聲將同貉獸渡汶而不生矣

周禮考工記曰

橘逾淮而化枳鸛鷓不逾濟路逾汶則死此地氣然也

其峽蓋自昔禹鑿以通

江郭景純所謂巴東之峽夏后疏鑿者又東出江關

入南郡界

江關舊在赤甲城後移在江南岸對白帝城今在魚復縣南

江水自關東逕弱關扞關

扞關在今長揚縣南

扞關廩君浮夷水所置也

後漢書南蠻傳巴郡南郡蠻本有五姓曰巴氏樊氏

暉氏相氏鄭氏皆出於武落鍾離山其山有赤黑二穴巴氏子生於赤穴四姓之子皆生黑穴未有君長

俱事鬼神乃共擲劍于石穴約能中者奉以為君巴氏子務相獨中之又令各乘土船約能浮者當以為君餘姓悉沈惟務相獨浮因共立立之是為廩君乃乘土船從夷水至鹽陽鹽水有神女謂廩君曰此地廣大魚鹽所出願留共居廩君不許鹽神暮輒來取宿旦即化化為蟲與諸蟲羣飛掩蔽日光天地晦冥積十餘日廩君思其便因射殺之天乃開明廩君於是君乎夷城四姓皆臣之弱闕在建平

秭歸界

秭歸今為荊州府歸州

昔巴楚數相攻伐藉險置關以

相防捍秦兼天下置立南郡自巫山皆其城也

當作城南

郡今為荊州府

又東過巫縣南

今為荊州府巴東縣及夔州府巫山大昌等縣其故城在

巫山縣東北名巫子城

鹽水從縣東南流注之

江水又東烏飛水注之

水出天門郡淩中縣界

天門郡吳置今為湖廣澧州及石門縣

北流逕

建平郡沙渠縣南又北流逕巫縣南西北歷山道三百七十里注于江謂之烏飛口

水經注集釋訂訛卷三十三